



Inatsisartuni ilaasortaq Aqqaluaq Biilmann Egede, Inuit Ataqtigiit
/maani

Mittarfiit pillugit § 37 naapertorlugu apeqquteqaammut 2019-110-mut akissut

12-03-2019
Suliaq nr.: 2019 - 5176
Id nr. 38671860

Asasara Aqqaluaq Biilmann Egede,

Inatsisartut suleriaasianni § 37 naapertorlugu Naalakkersuisunut mittarfiliortiternerit pillugit apeqquteqaateqarputit. Apeqqutitit uannut akisassanngorlugit innersuunneqarput. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

- 1. Naalakkersuisut isumaqatigaat Mittarfiit sanaartorneqartussat aningaasaqarnikkut akilersinnaassusiat nalilersorniarlugu tikikkuminassusaat annertunerpaatinniarlugu Nunat tamalaat mikkuminassutsimut piumasaqaatinik naammassinngitsuukkanik immikkut akuersissuteqarnaveersaarnissaq pingaaruteqartoq?**

Akissut: Angallannermut, Sanaartornermut Ineqarnermullu Aqutsisoqarfiup mittarfiit nutaat pillugit oqartussaasutut suliaqarnermini nunap iluani nunanilu tamalaani maleruagassat malittarisassallu malissimassagai Naalakkersuisut tatigaat.

Mittarfinni nutaani imminnut akilersinnaassutsip piffissarlu eqqorlugu tikissinnaassutsip pitsaanerpaap anguneqarnissaa pingaaruteqarmat Naalakkersuisut isumaqataapput.

- 2. Piumasaqaatit nunani tamalaani atuuttuni naammassinngitsuukkat pissutigalugit tikikkuminassuseq akilersinnaassutsimullu aalajangiisuusorujussuit pillugit, Naalakkersuisup akuleruffigineqartanngininneranik Qanoruukkat oqaaseqarnini suli attappaa?**

Akissut: Aap. Naalakkersuisut mittarfiit pillugit oqartussaasutut suliaqarnermut ilaangillat. Suliassaqarfik tiguneqarsimannngilaq aammalu Angallannermut, Illuuteqarnermut Ineqarnermullu Ministeriaqarfiup ataani mittarfinnut oqartussaasunit, Assartuussinermut, Sanaartornermut Ineqarnermullu Aqutsisoqarfimmeersunit isumagineqarluni.

- 3. Mittarfissat pillugit suliariumannittussarsiuussinerup unitsikkallarneqarnera imaluunniit kinguartinneqarnera sumik patsiseqarpa?**

Akissut: Apeqqut 3-p akineqarnissaanut atugassatut Kalaallit Airports A/S ilanngussassamik pissarsiniarfigineqarpoq:

"Kalaallit Airports International A/S-imiit aalajangiunneqarpoq, nunani tamalaanit mittarfiit marluk – Nuummi Ilulissanilu – ataatsimoortillugit entreprenørinut siullermeerutaasumik neqerooruteqartinneqartunut arfinilinnut neqerooruteqarfigitinniarlugit, taamaanngippat nunani tamalaani entreprenørit suliassanut soqutiginnilernissaannut suliassat annertussusaat naammassanngimmata. Taamaalilluni suliassanut tamakkiisumik unammillertitsinissaq qulakkeerneqarpoq.

Kalaallit Airports International A/S-imiit ingerlatseqatigiiffimmit ASN-imut nassuiaatip naalakkersuinikkut akuerineqarnissaa sanaartugassat neqerooruteqartitsivigineqarnissaannut utaqqisinneqarpoq, tamatumalu piaartumik pinissaa naatsorsuutigineqarpoq. ASN-imut akuersissut tiguneqariapat, ingerlatseqatigiiffiup erngeluni Nuummi Ilulissanilu sanaartugassanik neqerooruteqartitsinissani aallartissavaa.

Kalaallit Airports A/S-imiit oqaaseqaatit tunngavigaakka.

4. Kalaallit Airpot-ip massakut ingerlatsinera suliaalu tamaasa qanoq ingerlanerat Naalakkersuisut tamakkiisumik akisussaaffigaat?

Akissut: Apeqqut 4-p akineqarnissaanut atugassatut Siulittaasup Naalakkersuisoqarfia, Kalaallit Airports A/S-ip pigineqarneranik aqutsisusooq akissuteqartippara:

"Aktianik piginneqatigiiffiit pillugit inatsimmi aalajangersakkat naapertorlugit Naalakkersuisut, aktianik piginneqatigiiffinni Namminersorlutik Oqartussanit pigineqartuni aktiaatilinnut sinniisutut ingerlatseqatigiiffimmi ataatsimeersuarnermi siulersuisunut ilaasortassanik toqqaanissaq isumagisarpaat. Naalakkersuisut ingerlatseqatigiiffiup aqutsisuini suleqataanerminni, siulersuisunut toqqaanerup taaneqartup saniatigut sinaakkusiussat suliniutillu pingaarnerit ineriartortinneqarnissaat pillugu ingerlatseqatigiiffinnik oqaloqateqartussaapput; kisiannili ingerlatseqatigiiffiup ulluinnarni ingerlanneqarnerani akulerunneq ajorput.

Ingerlatseqatigiiffiup iluani ingerlatsinertut isigineqartumi 'ulluinnarni ingerlatsineq' tunngavigineqarnera Naalakkersuisut attatiinnarniarpaat. Tassalu Kalaallit Airports A/S-imi ingerlatsinermut sulinermullu ingerlatseqatigiiffiup pisortai akisussaasuupput."

5. Nuummi mittarfissap ukiut 20-it ingerlanerani isertitatigut qanoq pissarsissutaassava?

Akissut: Erseqqissaatigineqassaaq, akissuteqarnermi apeqqutip kalaallisoorataa, ukiuni 20-ni tulluittuni pissarsiasat/isertitassat pillugit apeqquteqarfiusoq tunngavigineqarmat, tassalu ukiut 20-t kingullit pineqaratik.

Naalakkersuisuniit mittarfiit allineqarnerini inuiaqatigiit aningaasaqarnerannut kingunerisassanik naliliineq, imm. 2, www.naalakkersuisut.gl aqqutigalugu saqqummersinneqartoq innersuussutigineqarpoq. Kingunerisassanik naliliinermut Kalaallit Airports A/S-ip niuernermut aningaasalersuinermullu pilersaarutaannik, isertuussatut 2018-imi ukiakkut ataatsimiinnermi oqaluuserisassani immikkoortup 21-p suliarineqarneranut atatillugu Inatsisartut Aningaasaqarnermut Akileraartarnermullu Ataatsimiititaliaannut tunniunneqartoq tunngavigineqarpoq.

6. Ilulissani mittarfissaq pilersaarutigineqartoq aporfissartaqanngiivilluni pilersaarutit malillugit ingerlasutut Naalakkersuisut oqaatigisinnaavaat?

Akissut: Apeqqut 6-ip akineqarnissaanut atugassatut Kalaallit Airports A/S ilanngussassamik pissarsiniarfigineqarpoq:

”Mittarfiliortiternissat ingerlanerat tamarmiusoq 2018-ip ingerlanerani Sanaartornermut Inatsisissap akuerineqarnissaa sioqqullugu qinersinissap suaarutigineqarneranit sunnerneqarpoq, tamatumalu kingorna Sanaartornermut Inatsisissamut ullumikkutut iluseqartillugu Inatsisartuni akuerineqarnissaanut amerlanerussuteqartoqarnissaanut piffissaq sivisungaatsiartoq ingerlavoq. Tamatuma kingorna suliassamut avataaniit aningaasalersuisoqarnissaanut isumaqatiginninniarnernut piffissamik atuisoqarpoq, taakkunungalugu Danskit Naalagaaffiannut isumaqatiginninniarnernit ilaapput. Taakku saniatigut Ilulissani mittarfiliornissaq pilersaarutaasoq piffissaq malillugu ingerlasutut oqaatigineqarsinnaavoq.”

Kalaallit Airports A/S-imiit oqaaseqaatit tunngavigaakka.

7. Ilulissani mittarfissap akia annertunerulissasoq Naalakkersuisut uppersarsinnaavaat?

Akissut: Naalakkersuisut apeqqut ima paasivaat, Naalakkersuisut Ilulissani mittarfiup sananeqarneranut aningaasartuutit inaarutaasumik aalajangersinnaaneraat apeqqutigineqartoq.

Ilulissani mittarfiup sananeqarneranut aningaasartuutit qanorpiag amerlassuseqassanersut Naalakkersuisut maannarpiag oqaatigisinnaangilaat. Aatsaat neqerooruteqartitsisoqareerpat akit naatsorsorneqarsinnaapput. Naalakkersuisut inuiaqatigiit aningaasaqarnerinut missingersuusiornermilu aningaasaqarnermut kingunerisassanik misissueqqissaarnernik arlalinnik saqqummiussaqaqput, apeqqutillu itisiliiffiusumik akineqarnissaanut taakku innersuussutigineqarput.

8. Qaqortumi mittarfissap aningaasaqarnikkut sunniutissai pillugit aningaasartuutaanerulersussatut ilimagineqartut ilimasaarutigineqartut suunersut Naalakkersuisuniit nassuiaatigineqarsinnaappat?

Akissut: Naalakkersuisut apeqqut ima paasivaat, Naalakkersuisut Qaqortumi mittarfiup sananeqarneranut aningaasartuutit inaarutaasumik aalajangersinnaaneraat apeqqutigineqartoq. Taassuma sukumiisumik akineqarnissaanut inuiaqatigiit aningaasaqarnerannut kingunerisassanik naliliineq, imm. 2 innersuussutigineqarpoq.

9. Nuummi mittarfissap inissisimaffimmut allamut nuunneqarsinnaanera Naalakkersuisut ammaffigaat?

Akissut: Naagga. Assartuussineq pillugu Isumalioqatigiissitap nassuiaasiasa, kiisalu pilersaarusiornermi suliat annertuut, Nuummilu mittarfimmut tunngatillugu aningaasatigut kingunerisassanut naatsorsukkat tunngavigalugit Kalaallit Airports A/S mittarfiup manna inissisimaffiani sananeqarnissaanik siunnerfeqarpoq.

10. Nuummi mittarfissap inuit angerlarsimaffiinut qanippallaanera pissutigalugu aammalu tikikkuminarnerusumut inissinneratigut

**mikkiartornissamat sillimaniarnikkut pitsaanagerusumut
inissinneqarsinnaanera Naalackersuisuniit isumaliutigineqarpa?**

Akissut: ASN-imut nassuiaat taassumalu akuerineqarnissaanut suliaq
innersuussutigineqarpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Karl Frederik Danielsen